

44367
178
:7

卷六

奏疏下

滄河方晴

治河方畧卷之六

翰林院編修河道總督兵部尙書追贈太子太保
工部尙書世襲拜他喇布勒哈番諡文襄斬 著

五世孫文鈞衡斯重刊

奏疏

敬陳經理第一疏

以中河之土築堤

題爲敬陳經理河工事宜第一疏事切 臣看
得今日治河之最宜先者無過於挑清江

浦以下河身之土以築兩岸之堤

臣前疏

已備陳之矣惟是募夫一節如在工程稍緩量用人夫數萬名者不難就近召募然

臣前疏因恐水漲無歸又生他變欲於一

二年間將兩河工程概圖完竣是以挑浚

黃河之夫議每日用至十二萬有奇之多

尙有其餘各疏內挑浚帮堤堵決各工所需人夫每日亦不下七八萬總計每日用

夫二十萬念淮揚附近斷不能有如許多夫應募故不得不將挑浚黃河之夫議令江南隣屬并河南山東協募也今

處議謂遠派各省恐不肖官役借端擾民請
臣酌量設法就近募夫不致悞工等語
臣思

道遠工長不肖官役借端擾民之事誠難保其必無然就近召募則斷不能取齊若倣照舊例多加工食以鼓舞招徠之則動

須增費數十萬兩從何設處且使卽加給
工食而淮揚被水已久困苦災黎除死亡
賣身之外其逃散四方者一時不能聚集
應募者少必至悞工臣反覆籌酌更得僦
車代挑之法凡下鋤掘土并夯杵成堤俱
用人力其往來運土則以僦車約可省夫
一半并原限二百日完工者改爲四百日
完工則前擬每日用夫十二萬有奇者今

止須用夫三萬餘名并車三萬餘輛足矣
又其餘各工每日亦需夫七八萬其間但
有可用僦車以省人力之處容臣隨時斟酌
而行則需夫不至太多可以仰遵

廷議就近設法召募濟工矣至所需僦車查

江南非出產之處但若議派東豫二省僱
募恐仍有不肖官役借端擾民之事容臣

竟動錢糧行濟東兗開歸等府價買解淮

濟用統計南岸自白洋河歷雲梯關至海口北岸自清河縣歷雲梯關至海口挑河築堤工程其所用人夫工食車輛繩絆以及一切諸費容臣設法節省總於原題第一疏內所估需銀九十八萬九千七百九十八兩四錢數內期於足用惟是車輛等項一切俱不派民而盡屬官買則其間料理之煩更多數倍臣再四思維必須將臣

第八疏內所議守堤官兵豫爲設立責令
照管夫車督率分柝在伊等卽係將來守
此堤工之人自能盡力以圖堅固更爲一
舉兩得之道若夫兩岸遙堤臣原題面寬
三丈底寬七丈高一丈二尺每堤一丈用
土六十方然臣又各處閱歷細察情形遙
堤固屬必需而縷堤尤不可少蓋黃河流
急則沙行流緩則沙墊而河身窄則流急

寬則流緩今莫妙於築縷堤以束水而以遙堤并加築格堤用防冲決使守堤人等盡力防護縷堤設或大水異漲卽有漫冲亦至遙堤格堤而止自不至於奪河成缺該守堤人等隨卽星將縷堤仍舊築起爲工亦易臣請將原估築遙堤之土六十方分築遙縷二堤并量增格堤其縷堤頂寬二丈底寬六丈高六尺每縷堤一丈用土

二十四方遙堤頂亦寬二丈底亦寬六丈
高八尺每遙堤一丈用土三十二方二共
用土五十六方較之原估每丈餘土四方
或隔五七里或隔十餘里卽以所餘之土
再築格堤一道格堤頂寬二丈底寬六丈
高五尺以上各堤均令守堤人等一併加
意防護并將各堤逐年加帮務極高厚可
也再查南岸白洋河以上至徐州一帶堤

工長二百八十里北岸清河縣以至徐州
一帶堤工長四百里其間殘缺危險在在
皆然斷須急爲併治至於治之之法臣籌
維再四若徒加幫遙堤則旣不能束水而
又無重門之障良非至穩之著莫妙於亦
於近河去處加築縷堤并量築格堤以爲
外藩其殘缺遙堤亦卽一體加幫高厚方
稱萬全也惟是工程浩大旣不能多用民

力亦不敢全動官銀除臣先經嚴行各該

道州縣速撥民夫加幫舊堤俟詳至務令

一律加幫外其所議加築之縷格二堤必

須動支錢糧募夫興舉者也至此項堤工

凡在駱馬湖以下者俱照白洋河以下之

式縷堤築頂寬二丈底寬六丈高六尺每

堤一丈用土二十四方兩岸共計二百里

約長三萬六千丈用土八十六萬四千方

又應築格堤約七千二百丈頂寬二丈底
寬六丈高五尺每丈用土二十方共用土
十四萬四千方駱馬湖以上縷堤格堤俱
築頂寬二丈底寬六丈高五尺每丈用土
二十方南北兩岸除駱馬湖水占之處不
必築堤外其餘約長四百六十里計應築
縷堤八萬二千八百丈格堤一萬六千五
百六十丈二共九萬九千三百六十丈計

用土一百九十八萬七千二百方以上兩
岸纓格二堤通共用土二百九十九萬五
千一百方每方止以用夫三名計銀一錢
二分科算共需銀三十五萬九千四百二
十四兩如此則人力旣盡自可少意外之
虞矣至於管工等官所管工程堅固合式
與否其議叙議處之法容且於第七疏內
一併確議題

請伏候

睿裁

敬陳經理第二疏

爛泥淺挑引河二道

題爲敬陳經理河工事宜第二疏事該

臣看

得洪澤湖下流高家堰西北至清口一帶

卽爛泥淺等處也

臣原請於河身兩傍各

挑引水河一道共需銀一萬七千二百八

十兩

廷臣先議應如臣議速行挑浚等語後議大修旣議暫停此第二疏內引水河工程無庸議等語蒙

皇上軫念運道民生

勅臣再行確議伏查本年八月內洪澤湖下流

爛泥淺一帶已經淤斷黃淮相隔約有二十里之遙雖議堵決束水而不挑引水河則淤泥攔阻在前淮流不能下注是以臣

隨於急工併舉等事案內一面題

請錢糧一面檄行淮揚道召募人夫專委原估

淮安府山陽縣革職知縣柳天正爲監理

官著令督同分管官六員并臣又委臣標

効用官四員協力催督先築土壩一道攔

阻黃流將淤斷河身挑挖疏通於八月二

十一日興工至十一月初二日業已告竣

目今淮水直抵土壩祇因河底墊高高家